



Uunga
Inatsisartunut ilaasortaq
Laura Táunâjik
Siumut

25. januar 2017

Angajoqqaarsiat akissarsiaat aamma aningaasartuutininut matussutaasartut pillugit § 37 naapertorlugu apeqqutip nr 22-ip akineqarnera

Asasara Laura,

Angajoqqaarsiat akissarsiaat aamma aningaasartuutininut matussutaasartut pillugit apeqqutinnut qujanaq.

Akissutigisakka ataani takuneqarsinnaapput.

1. Nalinginnaasumik angajoqqaarsianut akissarsiat qanga kingullermik allangor-tinneqarpat?

Paaqqinninnersiutit kingullermik 1 juuli 2008-mi allangortinneqarput, qaammammut 3.298,00 koruuniniit qaammammut 4.123,00 koruuninut qaffanneqarlutik.

2. Qaammammut akissarsiat assersuutigalugu soorlu 1.000 kr.-inik qaffanneqarnerat qanoq akeqassava?

Paaqqinninnersiutit 1.000 koruunimik qaffaaffiginerat 24,3 %-imik qaffaanermut naapertuuppoq. 2015-imi nalinginnaasumik paaqqinninnersiutininut 21.407.530 koruunit kommunit atorpaat. Qaammammut paaqqinninnersiutit 1.000 koruunimik qaffanneqassappat, 2015-imi kommunit qanoq atuinerat aallaavigalugu naatsorsuisoqarmat, ukiumut 5.192.222 koruunit missaanni akeqassaaq.

3. Angajoqqaarsianut nerisassarsiutininut, atisanut aamma kaasarfimmuunut akit qanga kingullermik allangortinneqarpat, aamma atuisunut akit piffissami tamatu-mani procentinik qassinik qaffaaffigineqarpat?

Kaasarfimmuussanut atisassarsiutissanullu akissatut aalajangersakkat kingullermik ulloq 1 aprili 2000-imi qaffanneqarput. Nerisanut akiliutit kingullermik ulloq 1 januaari 2009-imi qaffanneqarput. Atuisunut akit juuli 2000-miit juuli 2016-imut 48,7 %-imik qaffapput. Atuisunut akit januaari 2009-miit juuli 2016-imut 14,6 %-imik qaffapput

4. Akit tamakku qaffaaffigineqarnerisa kingunerisaannik atuisunut akinik tamakuninnga qaffaanerup annertoqataatut atsigisumik atuisunut tunngatillugu akinik qaffaneq allangortitsiffiusoq kingulleq qanga piva?

2015-imi kommunit nerisanut akiliutininut, atisassarsiutininut kaasarfimmuussanullu 9.521.980 kr.-init atorpaat. Akissatut aalajangersakkat malillugit ulloq unnuarlu atisa-

nut kaasarfimmiusanut 36 koruuniupput, nerisanullu akiliutit qaammammut 1.000 koruuniupput. Ukiumut akissatut aalajangersagaq 25.140 koruunit tunniunneqartarput, 12.000 koruunit nerisassanut akiliutaapput 13.140 koruunillu atisassarsiutissaa-pput kaasarfimmiusaallutillu. Nerisanut akiliutit, atisassarsiutit kaasarfimmiusallu akornanni agguaaneq aamma apeqquummit 3-mit atuisunut akit qaffannerat malil-lugu, atuisunut akit qaffannerata pissuseqataanik akigititat nalingi qaffassapput, uki-umut aningaasartuutaanerusut 3.087.326 koruuniussapput.

5. Deloitte-p 2012-imi angajoqqaarsiat aningaasartuutaannut matussutis-siisarneq pillugu malittarisassanik kommunit nassuiaassinissamut ilit-sersuummik suliaqarto-qarnissaanik kaammattuuteqarnera Naalackersuisunit malinneqarpa?

Naamik, angajoqqaarsiat aningaasartuutaannut matussutissiisarneq pillugu malitta-risassat nassuiarneqarnerat pillugu kommuninut ilitsersuummik Naalackersuisut su-liaqarnikuunngillat.

Oqaatigineqassaaq, meeqqat tapersersorneqarnissaannut inatsisissap nutaap, 2017-imi Upernaakkut Inatsisartut ataatsimiinnissaanni saqqummiunneqartussatut naatsorsuutigineqartumi, angajoqqaarsianut tunngasunut ilitsersuutit suliarineqa-rumaartut.

Aammattaaq 2017-imut aningaasanut inatsimmi, 2017-imi 1,1 koruunit immik-koortinneqarput ilaatigut meeqqat sumiginnakkanik il. il. suliaqarnermik angajoq-qaarsiat pikkorissartinneqarnissaannut.

Angajoqqaarsianut tunngasunut alloriarneq tulleeq tassaassaaq angajoqqaarsiat akissarsiaasa misissorneqarnissaat.

6. Deloitte-p 2012-imi angajoqqaarsiat akissarsiaat pillugit ilitsersuummik sulia-qarnissaq aamma aningaasartuutinut matussutissinneqarsinnaanerat pillugu kaam-mattuutaa, Naalackersuisut malippaat?

Naamik, angajoqqaarsiat akissarsiaat aamma aningaasartuutit matussusertinnis-saannut pisinnaatitaaffiit pillugit ilitsersuummik Naalackersuisut suliaqarnikuunngil-lat.

Oqaatigineqassaaq, meeqqat tapersersorneqarnissaannut inatsisissap nutaap, 2017-imi Upernaakkut Inatsisartut ataatsimiinnissaanni saqqummiunneqartussatut naatsorsuutigineqartumi, angajoqqaarsianut tunngasunut ilitsersuutit suliarineqa-rumaartut.

Aammattaaq 2017-imut aningasanut inatsimmi, 2017-imi 1,1 koruunit immikkoortin-neqarput ilaatigut meeqqat sumiginnakkanik il. il. suliaqarnermik angajoqqaarsiat pikkorissartinneqarnissaannut.

Angajoqqaarsianut tunngasunut alloriarneq tulleeq tassaassaaq angajoqqaarsiat akissarsiaasa misissorneqarnissaat.

Inussiarnersumik Inuulluaqqusillunga


Sara Olsvig